



Nefndasvið Alþingis
Velferðarnefnd
Austurstræti 8-10
150 Reykjavík

Reykjavík: 31.10.2014
Tilvísun: 201410-0038

Efni: Frumvarp til laga um sjúkratryggingar (flóttamenn), 242. mál.

Samkvæmt markmiðum sínum er frumvarpinu ætlað að styrkja réttarstöðu þeirra einstaklinga sem fá réttarstöðu flóttamanna án þess að koma hingað til lands í boði stjórnvalda. ASÍ styður þessi markmið og samþykkt frumvarpsins. ASÍ vekur athygli nefndarinnar á því, að þeir einstaklingar sem fá dvalarleyfi hér á landi af mannúðarástæðum, njóta ekki þessarar réttarstöðu. Gild rök má færa fram fyrir því að staða þeirra og þörf fyrir aðstoð sé hin sama þeirra sem fá stöðu flóttamanna. ASÍ telur því bæði eðlilegt og rétt að jafnræðis verði gætt í þessu efni sömu reglur verði látnar gilda um þá sem veitt er skjól hér á landi af mannúðarástæðum.

Virðingarfyllst,

Magnús M. Norðdahl hrl.,
lögfræðingur ASÍ.

Alþingi, nefndasvið Þórshamri v/Templarasund 150 REYKJAVÍK	Reykjavík, 6. nóvember 2014 2014010081
--	---

Efni: Umsögn um frumvarp til laga um sjúkratryggingar (flóttamenn) - 242. mál.

Efni: Umsögn Barnaverndarstofu um frumvarp til laga um sjúkratryggingar (flóttamenn), 242. mál.

Barnaverndarstofa vísar til erindis nefndasviðs Alþingis, dags. 24. október 2014, þar sem stofunni var gefið tækifæri á að gefa velferðarnefnd Alþingis umsögn um frumvarp til laga um sjúkratryggingar (flóttamenn) - 242. mál. Þakkar Barnaverndarstofa fyrir að fá tækifæri til þess að tjá sig um frumvarpið.

Líkt og fram kemur í athugasemdum með frumvarpinu þá munu breytingar á lögum um sjúkratryggingar sem lagðar eru til í frumvarppinu leiða til þess að þeim sem eru í hælismeðferð verður ekki veittur aðgangur að sjúkratryggingakerfinu. Barnaverndarstofa bendir á að þegar um unga hælisleitendur er að ræða, þ.e. börn sem koma til landsins án forsjáraðila og óska eftir hæli hér á landi þá eru það almennt barnaverndarnefndir sveitarfélaganna sem taka mál þeirra til vinnslu, auk þeirrar vinnu sem á sér stað á grundvelli útlendingalaga.

Fyrirhugaðar breytingar á lögum um sjúkratryggingar ættu ekki að hafa áhrif á skyldu ríkissjóðs til þess að greiða sjúkrakostnað umræddra einstaklinga þar sem í 5. mgr. 15. gr. barnaverndarlaga nr. 80/2002 er kveðið á um það að ef barn er statt hér á landi án forsjáraðila þá endurgreiði ríkissjóður sveitarstjórn útlagðan kostnað sem af máli hlýst. Eðlilegt er að gera ráð fyrir að kostnaður vegna heilbrigðisþjónustu falli hér undir ef hann verður ekki lengur greiddur úr sjúkratryggingakerfinu. Barnaverndarstofa tekur fram að hér er ekki um stóran hóp að ræða en þó nokkra einstaklinga á ári hverju.

Barnaverndarstofa veitir velferðarnefnd Alþingis fúslega allar nánari upplýsingar og skýringar sem þörf er á verði óskað eftir því og er reiðubúin að mæta á fund nefndarinnar verði þess óskað.

Virðingarfyllst
f.h. Barnaverndarstofu



Heiða Björg Pálmadóttir
lögfræðingur Barnaverndarstofu

Reykjavík, 4. nóvember 2014

Skrifstofa Alþingis
B/t velferðarnefndar Alþingis
Alþingishúsið við Austurvöll
150 Reykjavík

**Efni: Umsögn frá Fagdeild fjölmenningsráðgjafa sem starfar innan
Félagsráðgjafafélags Íslands vegna frumvarps til laga um breytingu á lögum nr.
112/2008 um sjúkratryggingar flóttamanna.**

Fagdeild fjölmenningsráðgjafa fagnar lagabreytingu um sjúkratryggingar þess efnis að allt flóttafólk verði sjúkratryggt strax við leyfisveitingu en þurfi ekki að bíða í hina hefðbundnu sex mánuði eftir því að vera sjúkratryggt. Flóttafólk býr við sérstakar aðstæður og hefur yfirleitt ekki sama bakland eða bjargir og aðrir þegar það fær dvalarleyfi á Íslandi. Velferðarþjónustan þarf að taka tillit til þessara sérstöku aðstæðna og sýna aukna næmni við veitingu þjónustu. Mikilvægt er að sjúkratryggingar séu hluti að heildrænni velferðarþjónustu strax eftir leyfisveitingu og taki mið af aðstæðum rétt eins og önnur velferðarþjónusta.

Fagdeild fjölmenningsráðgjafa hefði gjarnan vilja sjá þann hóp sem fær dvalarleyfi á grundvelli ríkra mannúðarsjónarmiða eftir hælismeðferð hafða með í lagabreytingunni þannig að sjúkratrygging þessa hóps yrði að sama skapi virk við leyfisveitingu. Þegar Útlendingastofnun eða innanríkisráðuneytið tekur ákvörðun um að veita hælisleitanda dvalarleyfi vegna ríkra mannúðarsjónarmiða, þrátt fyrir synjun á stöðu flóttamanns, er litið svo á að viðkomandi búi einnig yfir sérstöðu sem taka þarf tillit til. Félagsráðgjafar á vettvangi sveitarfélaga og heilbrigðisþjónustu hafa séð að þau leyfi eru í sumum tilfellum veitt af heilsufarsástæðum og myndi sjúkratrygging strax frá leyfisveitingu breyta miklu fyrir þann hóp. Langflestir þeirra sem fá dvalarleyfi eftir hælismeðferð fá dvalarleyfi flóttafólks og er hópur þeirra sem fær dvalarleyfi af mannúðarástæðum fremur lítill og því ætti ekki að muna miklu að láta þann hóp sitja við sama borð og flóttafólk.

Virðingarfyllt



Edda Ólafsdóttir

félagsráðgjafi í Fagdeild fjölmenningsráðgjafa

Nefndasvið Alþingis

Austurstræti 8-10
150 Reykjavík

Akureyri, 6. nóvember 2014
1411009 IE

Efni: Umsögn um frv. til breyt. á lögum um sjúkratryggingar (flóttamenn), 242. mál.

Með tölvubréfi dags. 24. október 2014 barst Jafnréttisstofu umsagnarbeiðni frá velferðarnefnd um frv. til breyt. á lögum um sjúkratryggingar, flóttamenn, mál 242, þskj. 242, lþ. 144.

Með frumvarpinu er lagt til að flóttamenn, sem stjornvöld hafa veitt hæli hér á landi, njóti sjúkratrygginga en eins og lögin eru núna ná þau aðeins til flóttamanna sem koma í boði stjórnvalda, svokallaðra kvótafóttamanna. Þessi breyting felur í sér mikla réttarbót fyrir þá sem hún nær til.

Jafnréttisstofa fagnar þessari tillögu og styður lögfestingu hennar.

Virðingarfyllst,



Ingibjörg Elíasdóttir
lögfræðingur



MANNRÉTTINDASKRIFSTOFA ÍSLANDS
ICELANDIC HUMAN RIGHTS CENTRE

Alþingi
Nefndasvið
Austurstræti 8-10
150 Reykjavík

Reykjavík, 29. október 2014.

Efni: Umsögn Mannréttindaskrifstofu Íslands um frumvarp til laga um breytingu á lögum um sjúkratryggingar, nr. 112/2008 (flóttamenn), 144. löggjafarþing 2014 - 2015. Þingskjal nr. 271 – 242. mál.

Mannréttindaskrifstofu Íslands (MRSÍ) hefur borist framangreint lagafrumvarp til umsagnar.

MRSÍ fagnar frumvarpinu og telur að það feli í sér mikla réttarbót fyrir þá einstaklinga sem undir það falla.

MRSÍ vill hins vegar koma því á framfæri að hingað til hefur það verið algengara að einstaklingum, sem sótt hafa um hæli á Íslandi, hafi verið veitt dvalarleyfi af mannúðaráðstöðum, sbr. 12. gr. f laga um útlendinga nr. 96/2002, frekar en að þeir teljist falla undir skilgreiningu á flóttamanni samkvæmt Flóttamannasáttmála Sp og ákvæðum laga um útlendinga. Hins vegar hafa aðstöður þessara einstaklinga þótt réttlæta veitingu dvalarleyfis af mannúðaráðstöðum, t.d. ef sýnt þykir að þeir hafi ríka þörf á vernd af heilbrigðisáðstöðum, vegna félagslegra aðstæðna eða annarra íþyngjandi aðstæðna. Má því ætla að þeir séu a.m.k. oft í þörf fyrir sömu eða hliðstæða aðstoð og veitt er flóttamönnum sem hingað koma. Af þeim sökum hvetur MRSÍ Alþingi til þess að skoða hvort ekki væri rétt að framangreindir einstaklingar öðlist sömu stöðu hvað sjúkratryggingar varðar og þeir sem fá stöðu flóttamanna hér á landi.

Virðingarfyllt,

f.h. Mannréttindaskrifstofu Íslands

Jóna Aðalheiður Pálmadóttir, lögfræðingur



Nefndasvið Alþingis
Efnahags- og viðskiptanefnd
Austurstræti 8-10
150 Reykjavík

Reykjavík, 6. nóvember 2014

Efni: Umsögn Örlykjabandalags Íslands um frumvarp til laga um breytingu á lögum um sjúkratryggingar, nr. 112/2008, með síðari breytingum (flóttamenn), þingskjal 271.- 242 mál.

Örlykjabandalag Íslands lýsir ánægju sinni með þá fyrirætlun að 1. mgr. 16. gr. laga um sjúkratryggingar eigi einnig við um einstaklinga sem veitt hefur verið réttarstaða flóttafólks. Jafnframt er bent á að hópur flóttafólks hefur fengið hæli hér á landi af mannúðarástæðum. Full ástæða er til að jafna einnig stöðu þessa hóps, þ.e. að 1. mgr. 16. gr. laga um sjúkratryggingar verði einnig látin gilda um einstaklinga sem hafa verið veitt dvalarleyfi af mannúðarástæðum.

Ekkert um okkur án okkar.

Með vinsemd og virðingu,

Ellen Calmon
formaður ÖBÍ

